



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-1-40-320-4/20**

Datum: **01.09.2020.godine**

„Agencija za vodno područje rijeke Save“ Sarajevo rješavajući po zahtjevu pravnog lica JP „Autoceste Federacije BiH“ d.o.o. Mostar za donošenje rješenja o prethodnoj vodnoj saglasnosti za regulaciju rijeke Bosne u naselju Nemila, grad Zenica, na osnovu člana 109. stav (1) tačka 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE **o prethodnoj vodnoj saglasnosti**

1. Pravnom licu JP „Autoceste Federacije BiH“ d.o.o. Mostar daje se prethodna vodna saglasnost za regulaciju rijeke Bosne u dužini 3 km u naselju Nemila, grad Zenica a u sklopu projekta izgradnje autoceste na koridoru Vc na dionici Sjeverna administrativna granica općine Zenica (Nemila) – Zenica Sjever (Donja Gračanica), poddionici Nemila – Vranduk
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod sljedećim uslovima:
 - 2.1. Izraditi i revidovati investiciono - tehničku dokumentaciju na nivou potrebnom za pribavljanje odobrenja za građenje u skladu sa propisima koji važe za ovu vrstu radova, a koja treba da je urađena i revidovana od strane ovlaštenih pravnih lica sa liste «A» u skladu sa odredbama Pravilnika o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 2.2. Projektnom dokumentacijom treba da se obuhvati tehničko rješenje uređenja korita i obala sa objektima za zaštitu od štetnog djelovanja voda na navedenoj dionici kao dio integralnog rješenja zaštite od velikih voda rijeke Bosne, zaštite erodabilnih obala i čišćenje korita u cilju obezbjeđenja proticajnog profila rijeke Bosne, a projekat između ostalog treba sadržavati:
 - Situativni prikaz razmjere 1:1000 ili detaljnije sa ucrtanom dionicom obuhvaćenom aktivnostima uređenja korita i obala rijeke Bosne na ažurnim geodetskim podlogama kao i uzdužnim i poprečnim profilima riječnog korita urađenim na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova;
 - Rješenje uređenja korita i obala rijeke Bosne u naselju Nemila a u cilju stabilizacije obala i zaštite od poplava pri pojavi velikih voda ranga pojave 1/100 sa potrebnim nadvišenjem;
 - Tehnički opis rješenja, uz obrazloženje rješenja i pojašnjenje efekata izgradnje zaštitnih objekata, dimenzioniranje obloge, predmjer radova, tehničke uslove izvođenja i odgovarajuće grafičke priloge uobičajene za nivo projekta za građenje;
 - Hidrauličke i hidrološke proračune na predmetnoj dionici rijeke Bosne za određivanje nivoa velikih voda u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - Proračun vučnih napona u cilju određivanja načina zaštite (oblaganja) obala rijeke Bosne, mjerodavnog nagiba, tipa i visine obloge, krupnoće kamenog nabačaja koji će se koristiti i sl;
 - Prilikom definisanja normalnih profila uvažiti uslove koji se odnose prije svega na

izgrađenost obala, morfologiju terena, razvojno-plansku dokumentaciju, ranije izgrađene objekte zaštite od poplava, geološki sastav korita, postojeće mostove i sl;

- Rješenje uvođenja zaobalnih voda i potoka koji se pojavljuju na ovom lokalitetu; broj, raspored i izgled stabilizacionih pragova; rampi, pješačke šetnice i stepenica za pristup koritu;
 - Zahvati uređenja korita i obala rijeke Bosne moraju uvažiti postojeće imovinsko - pravne odnose i radove svesti u pojas kojim će se najmanje narušiti postojeći stambeni i gospodarski objekti, privatni posjedi i parcele;
 - Predmjerom radova utvrditi količine materijala (pijesak, šljunak) koje će se izvaditi iz korita, a koji se može iskoristiti za radove na uređenju korita i obala rijeke Bosne, te materijala koji treba ukloniti (smeće, mulj, kruti otpad, pijesak, šljunak, šibljice i dr). Bilans masa uraditi na osnovu ažurnih geodetskih podloga;
 - Zahvati uređenja korita i obala trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
 - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklađanje u važeću urbanističku i prostorno – plansku dokumentaciju;
3. Projektnom dokumentacijom sagledati sve moguće neželjene uticaje planirane gradnje na izgrađene objekte, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprečavanje tih uticaja.
 4. Projektna dokumentacija treba da bude urađena na zakonski zahtjevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
 5. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se pojaviti kod uređenja korita rijeke i čije će se količine utvrditi u predmjeru radova iz tačke 2.2. alineja 11. ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
 6. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
Uz zahtjev se, između ostalog, prilaže:
 - Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obaveznoj pribavljanju iste) za predmetnu dionicu uređenja rijeke Bosne,
 - Dokaz o riješenim imovinsko – pravnim odnosima,
 7. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona o vodama, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 8. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i okolinske dozvole (ukoliko ova vrsta radova podliježe obaveznoj ishodovanju iste) i ona definiše sve uslove koje projektna dokumentacija, koja se podnosi u postupku dobivanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
 9. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

OBRAZLOŽENJE

Pravno lice JP „Autoceste Federacije BiH“ d.o.o Mostar, podnijelo je ovoj Agenciji zahtjev za donošenje rješenja o prethodnoj vodnoj saglasnosti za regulaciju korita rijeke Bosne u naselju Nemila, Grad Zenica. Regulacija rijeke Bosne, u dužini od 3,0 km, predviđena je u sklopu projekta izgradnje autoceste na koridoru Vc dionica Sjeverna administrativna granica općine Zenica (Nemila) – Zenica Sjever (Donja Gračanica), poddionici Nemila – Vranduk.

Uz zahtjev je dostavljena i pregledana slijedeća dokumentacija:

- Kopija Rješenja o izmjenama podataka o upisu u sudski registar, broj: Tt-O-840/18 izdatog dana 15.11.2018. godine od strane Općinskog suda u Mostaru,
- Kopija Uvjerenja o poreznoj registraciji izdatog dana 07.02.2013. godine od strane Porezne uprave Federacije BiH - Kantonalni porezni ured Mostar,
- Kopija Uvjerenja o registraciji/upisu u Jedinствeni registar obveznika indirektnih poreza, broj: 04/1-17-1-UPJR/1-630-2/19 izdatog dana 01.02.2019. godine od strane Uprave za indirektno-neizravno oporezivanje,
- Kopija Rješenja o okolišnoj dozvoli za autocestu na koridoru Vc dionica Doboju Jug - Sarajevo-Tarčin, broj: UPI 05/2-23-11-144/19 izdatog dana 27.09.2019.godine od strane Federalnog ministarstva okoliša i turizma,
- Kopija Rješenja o urbanističkoj saglasnosti autocestu na koridoru Vc poddionici Nemila – Vranduk, broj: UPI703-23-2—384/18 izdatog dana 14.01.2019.godine od strane Federalnog ministarstva prostornog uređenja,
- Idejni projekat „Regulacija rijeke Bosne – Nemila“, urađen jula 2017.godine od strane „INTEGRA“ d.o.o. Mostar,
- Dokaz o uplati upravne i administrativne takse

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH“ broj 41/20) o predmetnom zahtjevu je dana 12.8.2020. godine, obavještena javnost putem obavještenja u dnevnom listu Oslobođenje i na oglasnoj ploči «Agencije za vodno područje rijeke Save» Sarajevo. U datom roku nije bilo pisanih izjašnjenja o aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za donošenje rješenja o prethodnoj vodnoj saglasnosti je Regulacija rijeke Bosne u naselju Nemila.
- Regulacija rijeke Bosne u dužini od 3,0 km predviđena je u sklopu projekta izgradnje autoceste na koridoru Vc dionica Sjeverna administrativna granica općine Zenica (Nemila) – Zenica Sjever (Donja Gračanica), poddionici Nemila – Vranduk.
- Uređenjem korita, te izgradnjom objekata za zaštitu od poplava na predmetnoj dionici obezbjeđuje se proticajni profil, stabilizacija obala rijeke Bosne (adekvatnom oblogom kosina) te sprječava štetno djelovanje voda i stvaraju se prostorne mogućnosti za smještanje trase i profila autoceste na ovoj dionici.
- Predmetna aktivnost obrađena je projektom dokumentacijom: Idejni projekat „Regulacija rijeke Bosne – Nemila“, urađen jula 2017.godine od strane „INTEGRA“ d.o.o. Mostar.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na obalama rijeke Bosne predmetne dionice u Zenici, na osnovu člana 109. stav (1) tačka 14., a u vezi sa članom 111. Zakona o vodama i člana 17. stav (1)

tačka 13. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.grad.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.grad.

Dostaviti:

- JP „Autoceste Federacije BiH“ d.o.o
UL. Adema Buća br. 20, 88 000 Mostar
- AVP Sava, ISV-vodna knjiga – ovdje;
- Arhiva – ovdje;
- AVP Sava – Oglasna ploča